

1. JOAN ZINEN

Musika: Benito Lertxundi
Hitzak: J.A. Urbeltz
(Aingeru Irigarai gogoratzuz)

Joan zinen gugandik
bihotz, muxkil, eraztun
eta zapel.

Mendetako kalizan
zaharkitutako harria,
leialen endakoa.
Nik ezereen erantzunik ez dudanez,
bi galdera ditut egiteko:

Zuri adarkari, giza-zezen
jentilariaren jostailu,
galdetzen dizut,
zerk hunkitzen zaitu gehiago:
Zimiztaren distirak
ala milaka urtetan,
osinean daldarti dirauan
gizonak eutsitako suziak?

2. BIHOTZ

Musika eta hitzak: Benito Lertxundi

Gela ilun batean
bizi zara bihotz,
sineskeriaz elikatuz,
berezia zarela uste duzu.

Zeurekoi asmoak jorratuz,
hilezkortasuna amets eta...
zalantzaren itzalak
ikaratzen zaitu.

Bihotz guztiak zara zuga
baina, ez zara ohartzen.
Bihotz orenen poz eta mina
daramatzazu zure taupadetan,
baina oraindik ez duzu ikusi,
balio bilketan lausoturik
baitzaude.

Hilezkor izan nahi duzu
eta hilezkor zara,
hilezkor bihotz guztietan,
bihotzean...
bizi, irri, nigar, heriotz, bihotz.

3. UDAZKEN KOLERETAN

Musika eta hitzak: Benito Lertxundi
(Martin Irizarren oroimenez)

Udazken koloretan,
landen lurrinak zeharkatuz,
hitaz oroit
eta higan nauk.

Zuhaitz biluziaren
gerizpean orpondoa,
orbelaren hilobi,
horiz eta gorriz
dena lokarturik.

Eskuratu hostoa
xume bezain eder,
hain soila bere heriotzean,
zuhaitz guztiaren bizkortasunez
hain beteá,
non erortze honen duintasunak
hiri kantatzera naraman.

Berriro zuhaitzari
so natzaio, kezkatuik otef...
joate askearen oparotasunean,
betikotasunaren irria zirudik.

Gatibu náukan denborak,
bere baitan egositako
ametsetz isekaz
bailegoan.

Udazken koloretan,
landen lurrinak zeharkatuz,
hitaz oroit eta higan nauk,
hain soil hire heriotzean,
hain xume, adiorik gabeko
partitzean.

4. BALDORBA

*Musika : Benito Lertxundi
Hitzak : J.A. Urbeltz*

Ezkil gabeko elizen
eremu emankorra,
giza murzuriko
zure ardentzat.

Oi Baldorba!
eguzki eta haize idor,
mahats-ardo ibai,
galburuarena.

Lur gorri, harri landu,
mailu eta xixelaren kantu.
Gitarrazko alakiketan,
Armeniako kanun ahots urratuan.

Oi Baldorba!
esazu nor zen bidetik
baztertu zintuen madarikatua!


Zure iriño erromanikoa
erdi izoztu eta leloturik
utzi zuen madarikatuaren
izena nahi dut.

Oi Baldorba!
esazu nor zen bidetik
baztertu zintuen madarikatua!

Oi Baldorba!
zutaz oroit eta
zuri nagozu.

Kantu bat laburra da eta
pentsa zuk,
esaten ez dizudan hartaz.

Oi Baldorba!
esazu nor zen bidetik
baztertu zintuen
madrarikatua.



5. ZER BALIO DU

Musika eta hitzak: Benito Lertxundi

Sineste ahaleginez
eginiko irudia
eskeintzen didazunean
zagan sinisteak zer balio du?

Azaleko adierazpenez
burutu duzun
munduarentzat nere onespena
jasotzeak zer balio du?

Curpen beharrik
ez duen izadia,
une oroz berriki
loratzen denean,
erdizka bizitzea
behartzen duen
sineste-ariketak,
zer balio du, zer balio du?

Ohizko ereduaren eskutik,
gogo-zaina ahulduz,
beldurraren gauean,
ospakizun bat baino
ez zarenean,
kandela pizteak zer balio du?

6. ILUNA DENERAKO

Musika eta hitzak: Benito Lertxundi
(Sehaska kanta)

Kantaïta bat ene ezpainenat,
Artizarra keinuka zeruan,
zure lehen loak hartu zaitunean
zer ote da zure gogoan?...

Ixuria
izan zara
bizitzaren ibar honetara;
zu zara gure
azala eta
asmo berrien haragia.

Nigan bada
zuretzat egina
iluna denerako aterbea;
iz zango zara
bihotzean den
suarentzako errebina.

7. MUNDURAT EMAN NINDUZUN

Musika: Benito Lertxundi
Hitzak: Xalbador

Ama, nola zure belauñetan nindadukazun denboran,
utz nezazu zure bularreen burua pausa dezadan;
ene bihotzak zer sendi duen nahi baiterautzut erran,
zure ezpain sakratuetarik ikasi nuen mintzairan.

Ene deia amodioaren bidez zinuen entzun,
eta gero oinazen erdian mundurat eman ninduzun;
biziaren grazia lehenik, gero hoinbertze maitasun,
berant jakin dut, ama maitea, zendako eman dautazun.

Adierazi zer autanean odolak bere mintzoa,
berriz gogoratu zitzerautan, o ama, zure altzoa;
bai ta zure bularetik hartu esne on haren gozoa,
orduz geroztik zurea naukan ene izaite osoa.

8. ORO IRRIÑO BAT

Musika: Benito Lertxundi
Hitzak: Pello Ramirez

Nere urruneko gogoa hedatuz joango da,
ondura ixuriko da nere eskuetara,
zuri begiratuz besarkatuko dut,
duzun ugats xumea eta agian,
naizen amildegi hotza.

Zure bihotzaren taupada beroen
aurrean agertuko da,
kontaezinezko edertasunez.

Nere asmoaren gerizean maitatuko zaitut,
arrazoi sareen gaindi hegan eginaz,
ilunaren eta beroaren nahaspilean
angi berriez mundu bat sortuz,
nork daki...

All Oro irriño bat balitz azkenean,
eta uhinek bezala,
ispazterra ferekatuz, bukatu hiltzean.





9. AZKAINDARRAK

Musika: Herrikoa

10. NIGARRA BEGIAN

Musika: Benito Lertxundi
Hitzak: Xalbador

Sumatuz euskaldunak, ospetsu nahian,
guretik deus ez duen hizkuntza mihian,
sofritzen egoiten naiz horien erdian,
gutaz ahalgetua, nigarra begian.

Nehoi ezteraukula, nik ez dut etsiko,
gure kontzientzia atzartzen hasiko;
egungo balentriak ez baitu betiko
odolaren mintzoa ixilaraziko.

O, entzule maitea, otoi barkamendu,
ez badut bozkarioz kantaldik hau ondut!
jostetako gogoia dauate kendu,
aunitz maite duenak aunitz sofritzen du.

11. MILIA

Musika: Josquin Des Près
Hitzak: Herrikoa

Zer ete da andra erdiaren saria?
Sagar erre, eta ardo gorria
Alabaia, kontrario da Milia:
Azpian lur otza, gañean arria.

Lasturrera bear dozu, Milia
Aita jaunak eresten dau elia
Ama andreak apainketan obia
Ara bear dozu, Andra Milia.

Jausi da zerurean arria
Aurkitu dau Lasturren torre barria
Edegi dio almeneari erdia
Lasturrera bear dozu Milia.

Arren, ene Andra Milia Lasturko
Peru Garziak egin deusku laburto
Egin dau Andra Marina Arrazolako
Ezkon bekio, bere idea dauko.

12. UHERA

Musika: Pello Irizar
(Martin Irizarren oroimenez)

13. URRUNDIK HELDU NAIZ

Musika: Benito Lertxundi
Hitzak: J.A. Urbeltz

Urrundik heldu naiz luze ibiliz,
bidez bide eta bidetako
hautsak garia sortarazi du
ene oinetako behatz artetik...

Ene burua untzaz ari da estaltzen,
eskuetako behatzetan
madariondoaren hosto xamurrak
loratzen...

Bizkarrean...
ortzien barna...
magalimikatzan kimuak
bertatzen ari zaizkidalarik...
San Migeletan... Itsasoa... Habarra
ludia ttipitzen duen itxasoa
Ene baitan urriaren egohaizearekin batera
azi busti eta emankorra
ari du...

Zilegi bekit adiskide, esatea, pentsatzea
harek ez du goroldio baizik sortuko
gure harrizko buruetan...